

Volharding in huidige beproewings		Volharding in toekomstige beproewings	
Krag van die Evangelie (1)	Volharding in die Evangelie (2)	Beskermer van die Evangelie (3)	Aankondiging van die Evangelie (4)
Paulus skryf die brief vanuit die tronk in Rome in 67nC aan Timoteus, sy opvolger			

Dag	Lees
Ma	II Tim 1
Di	II Tim 2
Wo	II Tim 3
Do	II Tim 4
Vry	II Pet 1:1-15
Sat	Rom 5:1-11
Son	Jak 1:1-8

Paulus gee verskeie laaste, persoonlike aansporings, bemoediging en raad aan Timoteus. Hy moedig hom aan om vas te staan in die krag van die evangelie. Hy moet ook in ander voortbring wat hy in Christus ontvang het.

16Die hele Skrif is deur God geïnspireer en het groot waarde om in die waarheid te onderrig, dwaling te bestry, verkeerdhede reg te stel en 'n regte lewenswyse te kweek, 17sodat die man wat in diens van God staan, volkome voorberei en toegerus sal wees vir elke goeie werk. (II Tim 3:16-17)

Paulus lys die sleutels tot 'n volhoubare bediening in hoofstuk 2:
 :1,2 'n vrugbare, groeiende bediening deur bekwame mense
 :3-13 'n aanhou en uithou (volhardende) bediening
 :14-18 'n studerende bediening
 :19-26 'n heilige bediening

Sewe metafore beskryf die gelowige:

2:1,2	'n Seun	Hy moet sterk en getrou wees
2:3,4	'n Soldaat	<i>'n Soldaat in aktiewe diens wat sy bevelvoerder tevrede wil stel, bemoei hom nie met die dinge van die gewone lewe nie. (2 Tim 2:3)</i>
2:5	'n Atleet	Hy moet volgens die reëls meeding
2:6	'n Boer	Hy moet hard werk en behoort 'n eerste deel van die oes te kry
2:15	'n Arbeider	Hy moet hom tot beskikking van God stel en die waarheid suiwer verkondig
2:21	'n Voorwerp in die huis van God	Hy moet bruikbaar wees, voorberei vir die Eienaar se gebruik
2:24,25	'n Dienaar	Hy moet vriendelik en bekwaam wees

Evangelies	Evangelie versprei	Verlossings leer	Briewe uit gevangenis	Opvolger riglyne	Kerk en lyding	Kerk en dwaalleer	Wederkoms	Die einde
------------	--------------------	------------------	-----------------------	------------------	----------------	-------------------	-----------	-----------

Die Woord (II Timoteus oorsig)

Die evangelie van onverganklike lewe is waar:
Dié genade is nou aan ons geopenbaar. (II Tim 1:10)
Volg in geloof en liefde die Woord wat jy lees.
Bewaar dit deur die inwoning van die Gees (II Tim 1:13-14).

Bly by wat jy geleer en en wat jy vas glo -
dít is wat jou lei tot verlossing van bo. (II Tim 3:14,15)

Die hele Skrif is deur God geïnspireer
om in die waarheid te onderrig en leer,
dwaling te bestry en verkeerdhede uit te roei
en so in 'n regte lewenswyse te groei,
sodat die man wat in diens van God staan,
toegerus is vir sy goeie werksloopbaan. (II Tim 3:16,17)

Verkondig die woord; moenie ophou daarmee
bemoedig deur met alle geduld onderrig te gee. (II Tim 4:2)

Die goeie wedloop het verstryk:
Ek het die wenstreep bereik.
Ek het gelowig end-uit gestry.
Nou wag die oorwinnaarskroon vir my:

Die lewe by God is my prys.
Ja, die regverdige Regter en Heer,
kom werklik eendag weer
en kom haal ook jou na Sy huis! (II Tim 4:7-8).

Blaas die vuur aan

Die genadegawe se vuur moet in jou wees,
met krag, liefde en selfbeheersing deur die Gees,
Blaas aanhoudend hierdie vuur aan!
Jy moet weer die genadegawe verstaan: (II Tim 1:6-7)

Moenie dat skaamte jou laat sondig
om nie die Here se boodskap te verkondig.
Skaam jou ook nie vir my
wat vir die evangelie in die tronk moet ly,
maar dra jou deel van die ontbering
vir die evangelie se lering. (II Tim 1:8)

Jy kan dit doen met die krag wat God gee.
Vat Sy Woorde en blaas die vlam daarmee! (II Tim 1:8)

Hy het ons geroep en gered
sodat ons toegewydheid het.
Nie op grond van ons dade,
maar op sy besluit uit genade!
Hy het dit van ewigheid af bedenk
en in Christus Jesus aan ons geskenk. (II Tim 1:9)

Hierdie genade is aan ons geopenbaar
Deur die koms van ons ons Middelaar:
Hy het die mag van die dood gebreek
Nou kan ons die onverganklike lewe preek! (II Tim 1:10-11)